



მენორა

გამოდის
1993 წლის
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

הנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

ივლისი
თამაზი
№7 (455)
2019წ.
(5779წ.)

“הנורה”

עיתון יהודי

בגוריה

გაეროში ანტისემიტიზმზე მსჯელობენ

გაერთიანებული ერების ორგანიზაციაში 26 ივნისს გამართულ გენერალურ ასამბლეაზე, რომელიც ციფრული ტექნოლოგიის ხანაში გამოვლენილი სიძულვილის საკითხებს განიხილავდა, გაეროს გენერალურმა მდივანმა ანტონიუ გუტიერეშმა აღნიშნა, რომ 2017 წლის მონაცემებთან შედარებით, 2018 წელს ანტისემიტიზმთან დაკავშირებული აქტები 13 % გაიზარდა. ანტონიუ გუტიერეშმა ყოველ ქვეყანას მოუწოდა ყოველი ღონე იხმარონ რასიზმის ნებისმიერი ფორმის დასაძლევად.

გენერალური მდივნის თქმით, ჰოლოკოსტი არც ისე დიდი ხნის წინათ იყო, როგორც ეს ერთი შეხედვით შეიძლება მოგვეჩვენოს და იგი იყო შუაგულ ევროპაში. მან გაიხსენა სინაგოგებზე თავდასხმები აშშ-სა და ევროპაში, ასევე თავდასხმები მეჩეთებსა და ეკლესიებზე.

— ჰიტლერი დამარცხდა, მაგრამ ანტი-სემიტიზმი არ გამქრალა. ამ დღემდე ჯერ კიდევ შორსა ვართ.

გენერალური ასამბლეის თავმჯდომარემ მარია ფერნანდა ესპინოსამ მოიყვანა ცნობები ევროპასა და პლანეტის სხვა რეგიონებში ანტი-სემიტიზმის ზრდის თაობაზე და საერთაშორისო თანამეგობრობას მოუწოდა „გააორმაგოს ძალისხმევა, რათა აღკვეთილ იქნას მასიური მკვლელობები „გენოციდი“ რათა მონოდება „არასოდეს განმეორდება“ უბრალო ღოზუნგად არ იქცეს“. მარია ფერნანდა ესპინოზა მიიჩნევს, რომ ყურადღება უნდა მიექცეს ინტერნეტში სიძულვილის გამოხატულ პუბლიკაციებს, და



აღნიშნა: მსოფლიოს ებრაელთა კონგრესის კვლევის თანახმად, ინტერნეტში ყოველდღიურად ჩნდება ჰოლოკოსტის უარყოფელი ასამდე პუბლიკაცია. დასასრულს მან მოიყვანა ელი ვიზელის ციტატა: სიყვარულის ანტითეზა არა სიძულვილი, გულგრილობაა.

ბრალი წაუყენეს

გაზეთი „მენორა“ (№6) იუნყებოდა, რომ ისრაელში გამოავლინეს დანაშაულებრივი ქსელი, რომელსაც სასაზღვრო-საკონტროლო პუნქტის გვერდის ავლით სახელმწიფოში ქართველი არაღვარეულები შეჰყავდა. 8 ივლისს ისრაელის პროკურატურამ რიშონ ლე ციონის სასამართლოში წარადგინა ბრალდება ისრაელის 44 წლის მოქალაქის — დუდი ქოენის წინააღმდეგ. დუდი ქოენს ბრალად ედება დანაშაულებრივი ქსელის შექმნა, რომელსაც ისრაელში ფარულად შეჰყავდა ქართველი არაღვარეული პირები, ასევე უცხოეთის პასპორტის კანონის დარღვევა და გამოძიებისა და სასამართლოს წარმოების ხელისშეშლა.

ისრაელის შინაგან საქმეთა მინისტრმა არიე დერიმ პარლამენტის (ქნესეთის) საშინაო საქმეთა კომისიის სხდომაზე განაცხადა:

— დღეს ისრაელში უვიზო მიმოსვლის მეოხებით უკრაინიდან და საქართველოდან შემოსული და შინ არდაბრუნებული 79 ათასი პირი იმყოფება. ძალიან პატივისცემით ვართ გამსჭვალული ამ ქვეყნების მოქალაქეებისა და მათი პრობლემების მიმართ, მაგრამ თავს ვერ მივცემთ იმის უფლებას, რომ თელ-ავივში შევქმნათ სახელმწიფო სახელმწიფოში.

პრეზიდენტის მოწოდება



ევრ-აზიის ებრაელთა კონგრესის პრეზიდენტი მიხეილ მირილაშვილი აცხადებს:

— ძლიერ შემოთე-ბული ვართ მსოფლიოში ანტისემიტიზმის ასეთი ზრდით. ბერლინის ტექნიკური უნივერსიტეტის

კვლევის თანახმად, 2017-2018 წლებში ინტერნეტში ანტისემიტიზმი კომენტარები სამჯერ გაიზარდა. ეს ძალიან საგანგაშოა და ხელს უწყობს ებრაელობისადმი სიძულვილის გაღვივებას. არ შეიძლება შევურიგ-დეთ ამ ერთობ სამარცხვინო და მეტად საგანგაშო მდგომარეობას. სახელმწიფოთა ლიდერებს მოვუწოდებთ დაუღალავად ებრძოლონ სიძულვილის გამოვლინებას, ებრძოლონ ებრაელთა მიმართ ძალადობას.



ბრით-მილა ციხეში

ევრ-აზიის ებრაელთა კონგრესის პრეზიდენტი მიხეილ მირილაშვილი ესწრაფვის კონგრესის მუშაობის უფროდაუფრო გააქტიურებას. ამის კიდევ ერთი დასტური გახლავთ ჩერნიგორიაში კონგრესის ახალი რეგიონალური ოფისის გახსნა. ეს ოფისი მონიტორინგს გაუწევს ალბანეთის, ხორვატიის, ჩრდილოეთ მაკედონიის, სერბიისა და სლოვენის ებრაელთა ყოფას, ასევე შეეცდება მიიზიდოს ბოსნიისა და ჰერცეგოვინის ებრაელობა.

ამასთან დაკავშირებით მ.მირილაშვილი აცხადებს:

— ამ შემთხვევაში ჩვენ გვაპოქმედებს ერთი მიზანი: ბალკანეთის ქვეყნებში მხარი დაუჭიროთ იმ მნიშვნელოვან პროგრამებს, რომლებიც აუმჯობესებენ ებრაული თემების მდგომარეობას. ევრ-აზიის ებრაელთა კონგრესი დაიცავს ამ ქვეყნების ებრაელობის უფლებებსა და ინტერესებს, იმეცადინებს იმისათვის, რომ შენარჩუნებული იქნას და გაძლიერდეს ეროვნული, რელიგიური ტრადიციები.

ამის ერთი დასტური გახლავთ ბრით-მილა, რომელიც 2 ივლისს ერთ-ერთ ციხეში ჩატარდა. ამ დღისათვის ციხეში თავი მოიყარეს ჩერნიგორიის ებრაული თემის ლიდერებმა, ისრაელიდან ჩამოვიდა მოელი, რომელმაც არა მხოლოდ ციხეში დაბადებულ პატარას ჩაუტარა წინადაცვეთის რიტუალი, არამედ ჩერნიგორიის ებრაული თემის რამდენიმე წევრსაც.



ჩერნიგორიის ებრაელთა თემის წევრები ერთ ოჯახად შეკრულან.

ასეთი რამ ჩერნიგორიის პენიტენციარულ სისტემაში პირველად მოხდა, რისთვისაც ჩერნიგორიის ებრაელთა თემის ხელმძღვანელი არიე ედელკოპი მადლობას მოახსენებს ციხის ადმინისტრაციას.



იოსებ (სოსო) მოშიაშვილი — 70

იოსებ მოშიაშვილს დიდი ღირსება ხვდა წილად: განსაკუთრებული პატივია იყო სალოცავის გაბაი, ე.ი. შენს თავზე იღებდე ვალდებულებას ზრუნავდე ჯამაათზე, ხელს უწყობდე, ეხმარებოდე მას ასრულებდეს მცნებებს. როცა ადამიანი ჯამაათისათვის ირჯება, მადლს ეწევა. იოსებ მოშიაშვილი სიამოვნებით ეზიდება ამ ტვირთს — ზრუნავს სინაგოგაში მოსულ ყოველ ადამიანზე, იქნება იგი ჯამაათის რიგითი წევრი, სტუმარი, თუ ამ ქალაქში თავისი საქმის გამო მოხვედრილი. სალოცავში მოსულ ყოველ ადამიანს სათანადო ყურადღება, ხელისშეწყობა სჭირდება არ არის შემთხვევითი, რომ ყოფილი აშკენაზების სინაგოგა, დღეს კი „ბეთ რახელი“, რელიგიური სწავლების ერთ-ერთ ცენტრად იქცა — აქ დიდიდან საღამომდე არ წყდება თორის გაკვეთილები, ახალგაზრდა, თუ ხანდაზმული ებრაელების სხვადასხვა წრის მუშაობა — ეს იმას ნიშნავს, რომ გაბაი იოსებ მოშიაშვილი კარგად უძღვება ბეთ ქნესეთის სისხლსაცვე ცხოვრებას. ისიც სასიამოვნო და მეტყველი ფაქტია, რომ იოსებ მოშიაშვილის — გაბაის დაბადების დღისადმი მიძღვნილ სედერზე დიდი, ე.წ. ახალციხელების ბეთ ქნესეთის წარმომადგენლებიც მოვიდნენ. ეს იმას ნიშნავს, რომ ქალაქის ჯამაათი ერთი მიმართულებით მიდის.

იოსებ მოშიაშვილს ვუსურვებ ჯანმრთელობას, მხნეობას, რომ დიდხანს იდგეს ჯამაათის სამსახურში.

რაბინი არიელ ლევინი

იოსებ მოშიაშვილს ახასიათებს პატიოსნება და მოვალეობისადმი პასუხისმგებლური დამოკიდებულება. გაბაის მუშაობაში კიდევ რა არის მნიშვნელოვანი? ღვთისმოშიშება. არსებობს ასეთი სიტყვა „ბრახა“. — სიტყვა მოკლეა, მაგრამ ძალიან ტევადი: ჩვენ ერთმანეთს ვაკურთხებთ, მაგრამ ადამიანი ჭეშმარიტ კურთხევას უზენაესისაგან ღებულობს —

მან უკეთ იცის, თუ რა გვჭირდება ჩვენ. გაბაის კი განსაკუთრებული კურთხევა — ბრახა — სჭირდება — ის ხომ სინაგოგას ემსახურება. უზენაესის ნება აქ ყველაზე ძლიერ ვლინდება.

ჩვენი სინაგოგის გაბაის იოსებ მოშიაშვილს ვუსურვებ ჯანმრთელობას, წარმატებას. დაე, მის ირგვლოვ ყოველთვის იყვნენ ადამიანები, რომლებსაც ეს-მით მისი და ეხმარებინა ღირსეულად ემსახუროს უზენაესს.

რაბინი ავიმელახ როზენბლათი

რობერტ ზინგერი გადადგა



მსოფლიოს ებრაელთა კონგრესის აღმასრულებელი ვიცე პრეზიდენტი რობერტ ზინგერი დაკავებული თანამდებობიდან გადადგა.

მსოფლიოს ებრაელთა კონგრესი ებრაელთა სათაო ორგანიზაციაა, რომელიც სერიოზულ როლს თამაშობს ხუთივე კონტინენტის ებრაელობის ცხოვრებაში. რ. ზინგერის ამ პოსტზე მუშაობის ხანა ერთობ ნაყოფიერი გახლდათ. ამ წლებში გაიზარდა მეკ-ის მოქმედების არეალი — დღეს მეკ-ი მსოფლიოს ასამდე ქვეყნის ებრაელობას აერთიანებს, გაიზარდა ამ ორგანიზაციის ბიუჯეტი.

რობერტ ზინგერმა ვრცელი წერილით მიმართა მეკ-ის ადრინდელ, თუ ამჟამინდელ წარმომადგენლებს, რომელშიც ვრცლად მიმოიხილა მსოფლიოს ებრაელობის ამ სათაო ორგანიზაციაში თავისი მუშაობის წლები, აღნიშნა რომ შრომა გახლდათ ნაყოფიერი და წარმატება უსურვა კონგრესის პრეზიდენტს როლანდ ლაუდერს.

რატომ შეწყდა რეპატრიაცია საფრანგეთიდან?

ისრაელის ტელევიზიის მე-12 არხმა აჩვენა ვიდეო მასალები, რომელზეც ასახულია საფრანგეთიდან ჩამოსულ ახალ რეპატრიანტთა სირთულენი.

ტელეარხის მონაცემებით, საფრანგეთიდან, ეკონომიკური თვალსაზრისით თითქმის უზრუნველყოფილი ქვეყნიდან, ისრაელში საცხოვრებლად გადავიდა დაახლოებით 35 ათასი ებრაელი. რეპატრიაციის მთავარი მიზეზი გახლდათ ის, რომ საფრანგეთში გაიზარდა ანტი-სემიტიზმი.

მაგრამ საფრანგეთიდან ისტორიულ სამშობლოში ჩასულ ებრაელთა ერთმა ნაწილმა უკან დაბრუნება არჩია.

რეპატრიანტები ისტორიული სამშობ-

ლოს დატოვების მიზეზად ასახელებენ:

- ა) ცხოვრების დაბალ დონეს,
- ბ) სიძვირეს (განსაკუთრებით ძვირი ბინები და მოგზაურობა არისო)
- გ) ენის სრულყოფილად შესწავლის სირთულეს,
- დ) ისრაელის სათანადო ორგანოების მიერ ფრანგული აკადემიური ცოდნის დიპლომების არცნობას,
- ე) ყოფით დონეზე ისრაელთა მიერ სხვებისადმი უპატივცემლობა.

ამ სირთულეთა ფონზე სოხნუთმა გამოაქვეყნა მონაცემები, რომლითაც დასტურდება, რომ საფრანგეთიდან ებრაელთა რეპატრიაცია მკვეთრად შემცირდა. ასე მაგალითად: ხუთი წლის წინათ — 2015წ. საფრანგეთიდან ისრაელში ჩავიდა 7.500 ებრაელი, შარშან 2018წ. კი 2600.

მიმდინარე წლის პირველ ნახევარში საფრანგეთიდან ისრაელში ჩავიდა 700 ებრაელი.

ჯარიმა — მილიონობით ევრო

კომპანია „ნიდერლანდების რკინიგზამ“ ივალდებულა ჰოლოკოსტს გადარჩენილ ებრაელებს, ან მათს უახლოეს ადამიანებს კომპენსაციის სახით გადაუხადოს სათანადო თანხა — აცხადებს კომპანიის აღმასრულებელი დირექტორი როჯერ ვან ბოკსტელი.

ლაპარაკია იმ ებრაელებზე, რომლებიც ამ კომპანიის მატარებლებით გერმანულ ფაშისტებს საკონცენტრაციო ბანაკებში გადაჰყავდათ. სადღეისო მონაცემებით, ნიდერლანდებში 500 ასეთი ებრაელია. ყოველი ამათგანი ერთჯერადად მიიღებს 15 ათას ევროს, ჰოლოკოსტის მსხვერპლთა ქვრივები მიიღებენ შვიდიდან ხუთას ევროს, ხოლო შვილები — ხუთი ათას — შვიდი ათას ხუთას ევროს. მთლიანად კომპენსაციას მიიღებს 5-6 ათასი ადამიანი. ამ მიზნით, კომპანიამ უკვე გამოჰყო ათობით მილიონი ევრო.

ისტორიკოსთა მონაცემებით, კომპანიამ ჰოლანდიის სხვადასხვა რკინიგზის სადგურ-იდან ვესტერბოკის ბანაკში 100 000 ებრაელი გადაიყვანა, იქიდან კი ისინი ოსვენციმში, ან სობიბორში მიჰყავდათ. ამ ასი ათასი ადამიანიდან ცოცხალი ხუთი ათასილა დარჩა.

ებრაელთა კულტურულ-საგანმანათლებლო ფონდი

საბავშვო პროგრამა „შალომ სეზამი“ 2019-2020 სასწავლო წლებისთვის აცხადებს 4 წლისა და მეტი ხნის ბავშვების მიღებას.

ბავშვებთან მუშაობა ეფუძნება სკოლამდელი ასაკის ბავშვთა სწავლების ისრაელურ უახლეს მეთოდებს.

პროგრამაშია:

- ებრაული აღზრდა (რელიგიისა და ტრადიციების საფუძვლები)
- მუსიკა,
- სიმღერა,
- ხატვა,
- ივრითი,
- ინგლისური ენა,
- ექსკურსიები,
- საბავშვო სპექტაკლებსა და გასართობ ღონისძიებებზე დასწრება.

„შალომ სეზამი“ მუშაობს ყოველდღე (შაბათ - კვირის გარდა) 10:00-დან 17:00 საათამდე.

გათვალისწინებულია ქაშერი კვება.

ცნობებისათვის მიმართეთ: თბილისი, ვახტანგ VI ქ. №30, ებრაული სახლი, III სართ.

საკონტაქტო ტელეფონები: 2157035, 2770653, 2772311 (დამატ. 230), 597994005

დაგეგმვა და

გამომცემელი:

გურამ ბათიაშვილი, კოტე აბაშიძე

თბილისი, ლეონიძის 11^ბ,

ტელეფონები: 299.90.96, 277.20.57

რეგისტრირებულია

ქ. თბილისის მთაწმინდის

რაიონის სასამართლოს

მიერ.

რეგისტრაციის № 4/1-921

რედაქტორი

გურამ ბათიაშვილი

ISSN 1987-8982 UAC 070

411.16

8-557



9771987898003